



Luaidh a thoirt agus tobraichean ainmeachadh le Harvard: Grad-iùil

Is e seo grad-iùil mu bhith a' toirt luaidh agus ag ainmeachadh tobraichean le Harvard. Tha Leabhar-iùil do dh'Oileanaich UHI air Ainmeachadh Thobraichean a' toirt seachad fiosrachadh mionaideach mun chuspair agus cuidichidh e tu cuid de na tobraichean nas fhille no nas neo-àbhaistice ainmeachadh.

Luaidh a thoirt agus tobraichean ainmeachadh

Dè?

Feumaidh tu luaidh a thoirt agus an tobar ainmeachadh airson a h-uile ìomhaigh, clàr, dealbh is graf a thogar à tobraichean ann an clò no air an eadar-lìon, cho math ri blogaichean, puist dealain, wikis, còmhraidhean, craolaidhean telebhisein is rèidio, agus a h-uile h-aithris, beachd, co-dhùnadh, is eile a thogar à obair sgrìobhaiche eile, co dhiubh a bheil an obair air a còmhdach ann an dòigh dhìreach, no a bheil atharrachadh crutha no geàrr-chunntas air a thoirt air na facail.

Cùine?

- Nuair a chòmhaicheas tu ann an dòigh dhìreach facail à obair chuideigin eile (a' toirt ceart fhacail ùghdair ann an cromagan turrach)
- Nuair a bheir thu geàrr-chunntas air pìos sgrìobhaidh (a' cur an cèill gu cruinn argamaid no beachd ùghdair san fharsaingeachd anns na facail agad fhèin)
- Nuair a bheir thu atharrachadh crutha air beachd-smuaintean no barailean ùghdair (gan cur an cèill nad dhòigh fhèin)
- Nuair a nì thu feum de dh'ìomhaighean no dàta a chaidh a chruthachadh le cuideigin eile

Tha na h-eisimpleirean seo a' buntainn do dh'obair dhaoine eile, co dhiubh a bheil iad

air am foillseachadh is nach eil. Gabhaidh iad a-steach am facal sgrìobhte, am facal labhairte, tobraichean lèirsinneach, obraichean ealain, grafaichean agus clàran, ceòl, mapaichean agus diagramannan.

Carson?

- Chan e na beachd-smuaintean is na facail agad fhèin a tha thu a' cur gu feum, ach sealbh inntleachdach chuideigin eile, agus feumaidh tu seo aithneachadh.
- Mur an aithnich thu sealbh inntleachdach chuideigin eile san obair agad bithear ag amharc air seo mar mheàirle-sgrìobhaidh, rud a thèid peanas a chur air le luchd-oideachaidh, luchd-measaidh agus luchd-sgrùdaidh.
- Leigidh e fhaicinn an cùl-taic sgoilearach a th' ann do na tha thu a' tagradh, le teisteanas air cho farsaing is cho domhainn 's a leugh thu.
- Leigidh e leis an leughadair na tobraichean a chomharrachadh a chuir thu gu feum airson nam beachd-smuaintean agad agus a bhith a' dol air an lorg.
- The e na phàirt dho-sheachnaichte den dòigh-obrach sgoilearach beachd-smuaintean chàich san raon agad a leigeil ris gus am bi iad air an sgrùdadh gu teann-bhreitheach. Le bhith a' toirt luaidh agus ag ainmeachadh tobraichean bheirear an structair riatanach airson a' phròiseis seo.

Gheibh thu fiosrachadh mionaideach mu luaidh a thoirt agus tobraichean ainmeachadh a' cleachdadh an t-siostam Harvard, a' gabhail a-steach eisimplearan de bhunan air a bheil e doirbh luaidh a thoirt, anns an **Leabhar-iùil do dh'Oileanaich UHI air Ainmeachadh Thobraichean**

Ciamar a nì mi e?

Tha caochladh dhòighean ann a bhith ag ainmeachadh thobraichean; is e an cruth ris an gabhar aig UHI dòigh bhun-tomhasach Harvard. Tha dà eileamaid ann an dòigh Harvard air tobraichean ainmeachadh:

Càit an tèid iad?

1. Luaidh anns an teacsa fhèin

Is ann am broinn susbaint na h-aiste, na h-aithisg no na h-obrach agad a chuireas tu seo.

Dè am fios a chuirear ann?

Bheir luaidh san teacsa fhèin fiosrachadh cruinn mun tobar; an t-ùghdar, a' bhliadhna, is àireamh na duilleige (ma bhios sin iomchaidh).

2. Liosta thobraichean

Bheirear liosta thobraichean air duilleig fa leth aig deireadh na h-aiste, na h-aithisg no na h-obrach agad.

Bheir an liosta thobraichean fios iomlan mun tobar agus leigidh e le leughadairean a lorg.

Mar a bheir thu luaidh am broinn an teacsa

Am broinn an teacsa agad, am broinn chamagan:

- Thoir sloinneadh an ùghdair, no an t-ùghdar corporra, a' bhuidheann, an dealbhadair, an neach-deasachaidh mura bheil ùghdar ann (m.e. Smith, Microsoft, Riaghaltas na h-Alba).
- Thoir a' bhliadhna anns an deach an tobar a chur a-mach (m.e. 2006).
- Thoir àireamhan nan duilleagan ma chòmhdaicheas tu facail, no ma bheir thu ATHARRACHADH CRUTHA no GEÀRR-CHUNNTAS air facail no beachd-smuaintean air duilleig shònraichte den tobar. Ach mas ann a' toirt gearr-chunntas air na thagair ùghdar ann an leabhar no alt iomlan a tha thu, cha ruig thu leas àireamhan dhuilleagan a thoirt.
- Ma chleachdas tu ainm an ùghdair ann an seantans, chan fheum thu na camagan a chur ann. Cuir a' bhliadhna agus àireamh dhuilleig ann, mar as iomchaidh.

Eisimpleirean

Facail a chòmhachadh gu pongail:

Tha Aitken a' cumail a-mach a thaobh làraichean tiodhlacaidh airson tramasgail "nach eil iad cosg-èifeachdach" (2006: 48).

Atharrachadh crutha a thoirt air facail:

Tha Aitken a' cumail a-mach gu bheil làraichean tiodhlacaidh airson tramasgail daor agus neo-èifeachdach (2006: 48).

Geàrr-chunntas a thoirt air leabhar no alt iomlan:

Tha rannsachadh a chaidh a dhèanamh o chionn ghoirid a' leigeil ris fiosrachadh ùr mu

bhochdainn am measg chloinne ann an Alba (Weir 2007).

Tobraichean le triùir ùghdaran:

Thathas a' cnuasachadh air Breatainn a bhith a' gabhail ris an iùro san àm ri teachd (Cox, Patel, agus Pavliotis 2004).

Tobraichean le còrr is triùir ùghdaran:

Fletcher *et al.* (2006: 88) a' tagradh gun deach luach bhilleanan dolair de dhiol adhbharachadh san linn seo le atharrachadh sa ghnàth-shìde air feadh an t-saoghail.

Gheibh thu fiosrachadh mionaideach mu luaidh a thoirt agus tobraichean ainmeachadh a' cleachdadh an t-siostam Harvard, a' gabhail a-steach eisimplearan de bhunan air a bheil e doirbh luaidh a thoirt, anns an **Leabhar-iùil do dh'Oileanaich UHI air Ainmeachadh Thobraichean**

Mar a chruthaicheas tu liosta thobraichean

Is còir do na tobraichean air fad air an tug thu luaidh san obair agad nochdadh san liosta agus is còir dhi a bhith air duilleig fa leth aig deireadh na h-aiste no na h-obrach agad. Is ann an òrdugh na h-aibidil a rèir sloinneadh an ùghdair no an ùghdair chorporra a bhios an liosta thobraichean air a h-eagrachadh. Tha stiùireadh gu h-ìosal mu mar a bu chòir na tobraichean as cumanta ainmeachadh. Gheibh thu fiosrachadh mionaideach mu luaidh a thoirt agus tobraichean ainmeachadh a' cleachdadh an t-siostam Harvard, a' gabhail a-steach eisimplearan de thobraichean a tha e doirbh ainmeachadh, anns an **Leabhar-iùil do dh'Oileanaich UHI air Ainmeachadh Thobraichean**.

Corr' uair is e buidheann, is chan e duine fa leth, a chuireas a-mach stuth. Is e ùghdar corporra a theirear ri seo. Bidh tu a' toirt luaidh agus ag ainmeachadh tobar air an son seo mar as àbhaist ach is e a' bhuidheann a bheir thu mar ùghdar is chan e duine fa leth.

	Fiosrachadh ri chur a-steach	Cruth	Eisimpleirean	
Leabhar	<ul style="list-style-type: none"> Sloinneadh agus ciad litir ainm an ùghdair no an neach-deasachaidh A' bhliadhna anns an deach an obair fhoillseachadh Tìotal agus àireamh na h-iris An t-àite anns an deach fhoillseachadh Am foillsichear 	<p>Ùghdar, A. (bliadhna foillseachaidh) <i>Tìotal an Leabhair</i> Nmh iris. An t-àite anns an deach fhoillseachadh: Am foillsichear</p>	<p>Ball, M. (1997) <i>Consulting with Parents: Guidance for practice</i> 2na edn. Dùn Èideann: National Press</p>	<p>David, T. (deas.) (1993) <i>Educating our Children: European Perspectives</i>. Lunnainn: Chapman Publishing</p>
Làrach no goireas air an lìon	<ul style="list-style-type: none"> Sloinneadh agus ciad litir ainm an ùghdair no an ùghdair corporra A' bhliadhna anns an deach an làrach fhoillseachadh/ ùrachadh mu dheireadh Tìotal na làraich-lìn no goireas Seòladh lìn iomlan (an URL) An ceann-là a chaidh thu chun na làraich/a' ghoireis 	<p>Ùghdar, A. (bliadhna foillseachaidh/ùrachaidh) <i>Tìotal na Làraich-lìn no a' ghoireis</i> [air loidhne]. Ri fhaotainn bho <Seòladh na làraich> [Latha Mìos Bliadhna]</p>	<p>Holland, M. (1996) <i>Using the Harvard system</i> [air loidhne]. Ri fhaotainn bho <http://www.bournemouth.ac.uk/servicesdepts/lis/LIS-pub/harvardsys.htm> [16mh Dùb 2009]</p>	
Alt ann an iris	<ul style="list-style-type: none"> Cuir ainmean nan ùghdar san òrdugh anns an tig iad san iris A' bhliadhna anns an deach an iris fhoillseachadh Tìotal an uilt Tìotal na h-iris Àireamh an tuim agus na h-iris Àireamhan dhuilleagan an uilt 	<p>Ùghdar, A. , Ùghdar, B. (bliadhna foillseachaidh) 'Tìotal an Uilt'. <i>Tìotal na h-Iris</i> àireamh an tuim (àireamh na h-iris), àireamh duilleig-àireamh duilleig</p>	<p>Potter, F. (2005) 'White noise and particle behaviour'. <i>Journal of Mathematics and Physics</i> 2 (1), 67-81</p>	<p>Valentine, S., Varca, P., Godkin, L. and Barnett, T. (2010) 'Positive Job Response and Ethical Job Performance'. <i>Journal of Business Ethics</i> 91 (2), 195-206</p>